

Le dotur **Aldo Marcocci** tignará en dedolönesc, ai 28 de forá, l'orar d'ambulatory dales 8.00 ales 11.30, impede domisdé.

PLOANIES DA SAN MARTIN Y LUNGIARÜ

Al vëgn racomané da tigní la Carsëma: jaiun y astignënza él en Capiun y en Vëndres Sanc, vigni vëndres él astignënza dla cern. Al dess ester n tēmp de penitënza y de oraziun. Le ploan pîta implü la forma de "**Exerzitiën im Alltag**" (vigni lönesc, dales 20.00, tla colonia da S. Martin por trami i paisc). Ocasiun da **se confessé** él a Lungiarü la domënia dan mëssa y a San Martin le vëndres sëra y canchessî a Bornech dai capezineri. I orun ince ti dé importanzen ales **Staziuns** che gnará tignides sciöche chisc agn tles cöres. La Diozeja inviëia ince a na forma concreta de "**rinunzia**", che vëgn presentada edema por edema sön la plata dla cöra. *le Ploan*

Dala Curia infora vëgnel conzedü da mëte sön plata **intenziuns dla S. Mëssa ince de domënia**, porchël resta la Eucaristia impo la zelebraziun dla Comunité dla Cöra. I mëssi ince tlarí che le zelebrant pô ma se salvé un n stipendium dla mëssa, i atri vëgn mená demez a d'atri proi o miscionars, deperpo che les intenziuns dla jënt vëgn öna por öna recordades. Insciö él dagnora bele sté. Al é chësta na forma de solidaritë inanter düc i ministri dl alté tl sacramënt dl presbitere. *le Ploan*

Peregrinaje ala beatificaziun de Josef Mayr- Nusser la sabeda, ai 18 de merz; prenotaziuns cina ai 28/02 por tel. 347 90 94 532; *ciarede ultima plata*.

De mondial d'oraziun dles ëres en vëndres, ai 3 de merz, sö Oies: La prozesciun da San Linert sö Oies pëia ia dales 15.00; sö Oies Mëssa dales 16.00. Chësc ann vá l'oferta ales ëres dles Filipines. L'Unión Ëres Decanat inviëia dër bel da tó pert.

Invit ala **incuntada di vëdui, vëdues y porsones sores** en domënia, ai 12 de merz, dales 9.30 a Porsenú, tl' Academia Cusanus: Mëssa y referat; domisdé aurela cörta cun teater y musiga. Prenotesse cina ai 8 de merz pro osta rapresentanta dl KVV. Le iade é debann, la marëna costa 17 €. La coriera passa a Picolin dales 7.40.

Dui **peregrinaji a Medjugorje** dai 26 d'aurí al 01 de ma (6 dis) y dai 24 de ma ai 28 de ma (5 dis). La cherta d' identitë ne vel nia sc'ara é ma gnüda arlungiada cun le stëmpl de comun. Info y prenotaziuns 0471 843 077 o 338 50 27 312.

Le Sorvisc ai Jogn chir jogn y jones, de majera eté!, che á ligrëza da lauré cun mituns y mitans sciöche animadus/ësses pro **Isté Deboriada 2017**. S'anunzié cina ai 28 de forá 0474 523070 (lön-jöb: 8.00-12.00 y 13.00-17.00) o manuela@jogn.org.

Tla **Ciasa de Palsa a San Martin** él gnü arjigné ite n valgügn cuartiers da destiné a porsones sura 70 agn ciamó autonomes y che chir na poscibilitë da ji a d'abitë por so cunt. Pro chisc cuartiers vëgnel ince pitë le "sorvisc dl abité accompagnë". I interessá ciafa informaziuns ti ofizi dla Ciasa de Palsa tratan l'orar de laur (08.00 – 12.00 y 14.00 – 17.00) o por telefon 0474 524 786.

L'Unión dl Sport da San Martin tēgn n **curs de ginastica cun balet** por mitans y mituns dala 2^a ala 5^a elementara cun Jana Canins; *ciarede ultima plata*.

Prëibel inseride les **manifestaziuns por l'aisciöda/isté 2017** te internet www.manif.it o comunichedeles al Sorvisc Formaziun cina al 01 de merz 0474 523 110.

Döt le bun a chi che complësc i agn de merz

a San Martin: Lena Costabiei Moling che nen complësc 88 ai 26

a Lungiarü Sepl Clara da Somví che nen complësc 82 ai 21

Sepl Rives che nen complësc 82 ai 24

Iaco Mischi che nen complësc 93 ai 26



www.unitepastorla.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

26.02.17 – 05.03.17 nr. 14

termo da publiché: jöbia 20.00
radio: 90,40 / 93,70

8^a DOMËNIA IA POR L'ANN - A

Vangele: Matí 6,24-34

Ne stede a se cruzié por osta vita
y ch'i ëise bëgn da mangé
y gnanca por osc corp
y ch'i ëise bëgn da se vistì...

²⁶ Ciaredi pro ai vicì dl cil:
ai ne somëna nia, ai ne racöi nia
y n'abina ite nia tles majuns:
osc Pere tl cil i nudrësc.

Ne valëise os nia trö' deplü co chi?

²⁸ Y ciodì se cruziëise pa por osc vistimënt?

Imparede dai gili, che crësc sön ciampoprè:


Ai ne laöra nia y ne fira nia y é plü bi vistis co Salomon te dōta sūa gloria

*Deache la jënt se crüzia, se tēgnera pro i scioldi, dij Gejú,
y deache la jënt se tēgn pro i scioldi se crüziera ciamó deplü, dij l'esperienza.
Pordërt n comportamënt da tec, sc'an conscidra che Gejú ti pîta pō n'alternativa:
Se tigní pro Chël Bel Dî y se delibré dai fistidi.
Ciodí ó pa la jënt, ciodí ói pa iö, val' de concret da pié ite?
Ciodí che i scioldi é da odëi, se lascia tó tla man, cumpedé y fá cunc impara.
Y ci poi pa me cumpré y me vaghé impara?*

Gejú sá ch'al é na ilujiun.

*Al tol ca i vicí y i gili da nes splighé i vantaji dla fidënza te Chël Bel Dî,
y al sá avisa che naota messunse lascé ia, nes destaché y nes lascé tomé.
Nes destaché dai scioldi y dala segurëza che i scioldi nes dá
y nes lascé tomé tla providënza y tla proteziun de Chël Bel Dî.
Chësc ne impari nia da incö a indoman y nia n iade por dagnora,
chësc mëssi imparé na vita alalungia.*

*Ch'i mëssi n dé lascé ia y me destaché da döt, chël é sigü;
fortuné, sc'i á imparé y sá spo da me lascé tomé tles mans de Dî. (M.T.)*



	SAN MARTIN	LUNGIARÜ	AZIUN CARSĒMA 1 – 5 de merz „Fá para! A ci podessi pa renunzié“ é le moto dl'Aziun de Carsëma 2017 (Aktion Verzicht / Azione lo rinuncio) sostignida te Südtirol da bëgn 59 organisaziuns y associazziuns. La Carsëma é n bun tēmp da ponsé sura sön nūsc comportamēnc, sön la valüta dles cosses, sön l'importanza di raporc, sön nostes esageraziuns, sön ci che se fej bun y ci che se fej mal, sön ci ch'i podessun fá atramēnter. L'Unité Pastoral Val Badia inviëia vignun y vignöna da fá deplü fora dla Carsëma. Jon fora da na Parora dl vangele dla domënia metunse dant edema por edema na proposta concreta por valorisé danü la ligrëza y la speranza liada ala Bona Noela (sciöche la Sinoda nes mēt dant). Les proposes pó sambëgn gní destrates fora tl tēmp aladö dles dezijiuns personales y valgöna romagn pól ester por tres... a bëgn de nos instësc y ince di atri. Vigni eté é cherdada te süa manira da “fá para”!. Les esperiënzes pó gní partides con i atri, les publican sön la plata facebook (Gruppe: Aktion Verzicht - lo rinuncio) o internet www.aktion-verzicht.net Aziun: Canche te prëies, vátun te túa ciamena y serete daite“ (Matî 6,6) I pëii ia da me instëssa/instës, i proi da odëi co ch'i me stá, da capí ci ch'i adori veramēnter, ci che me fej bun y ci che me fej mal; insciö pói spo jí fora y ester gherm por mia familia, por la comunité, ... por i atri.
26.02.17 7^a DOMĒNIA - ann A	9.00 Corona 9.30 Gran Mëssa dla Comunité	7.55 Corona 8.15 Gran Mëssa por la comunité 14.00 Bato de Giulia Clara Bato de Noa Pezzei	
27.02.17 Lönesc <i>Iulian, Gabriel</i>	20.00 Exerzities im Alltag te calonia a San Martin	20.00 Exerzities im Alltag te calonia a San Martin	
28.02.17 Dedolönesc <i>Roman, Silvana</i>	19.30 Mëssa por fam. de Ivan Sorà + Giovanni Plancker + Paul Vantsch		
01.03.17 Dedemesaledema <i>Albin</i> CAPIUN Scomenciamënt dla Carsëma	18.30 Funziun dl cēnder y Mëssa ++ Artur Conrater ++ Richard y Stefo Frenner + Virginia Pider	20.00 Funziun dl cēnder y Mëssa ++ Heinrich Costa y Giovanni Pescoller ++ de Monica Costa	
02.03.17 Jöbia <i>Agnes, Ines</i>	7.30 Mëssa ++ Irene Prousch y Edmund Frenner + siur Richard Sottara + Erich Ties Corona por vocaziuns		
03.03.17 Vëndres <i>Cunigunda, Tobia</i> De d'oraziun dles ëres	18.30 Adoraziun chita 19.00 Devoziun y Confesciuns Comuniun ai amará	7.30 Mëssa dl ann + Johanna Schanung en onur di ss. Agnui Custodi ++ Giovanni Pescoller y Franz Frenademetz 8.30 Comuniun ai amará	
04.03.17 Sabeda <i>Casimir, Rupert</i>	15.30 Mëssa tla Ciasa de Palsa 18.30 Mëssa prefestia 3 ^a de sopolt. de + Giovanni Pescoller dl ann + Giovanni Ferdigg, Ju + Frida Prada + Maria Crazzolará	20.00 Mëssa prefestia por families de Nazio y Loise Clara, Col dl ann + Serafin Clara + Ida Clara Verginer dl ann + Angela Costa	
5.03.17 1^a DOMĒNIA de Carsëma - A	9.00 Corona 9.30 Gran Mëssa dla Comunité	7.45 Confesciuns 7.55 Corona 8.15 Gran Mëssa dla Comunité	